

XVIII/1108(A)
SANCTISSIMI DOMINI NOSTRI
BENEDICTI PP. XIV.

ALLOCUTIO

HABITA IN COMITIIS GENERALIBUS
FRATRUM MINORUM
IN TEMPLO ARACOELITANO
CELEBRATIS IN VIGILIA PENTECOSTES

XVII. KALEND. JUNII

ANNO JUBILÆI MDCCL.

de Noquera



VALENTIÆ:

SUPERIORUM PERMISSU.
TYPIS JOSEPHI THOMÆ LUCAS,

I. D. E. G. I. C.

DILECTI FILII.



EQVE novum, neque inu-
sitatum Nos facere, quod
vestris hisce Comitibus præ-
sideo, Annales vestri
testantur, in quibus
decem Romani Pontifi-
ces recensentur, qui si-
mile Nobis exemplum
reliquerunt. Inter illos

Nicolaum V. adnumeratumprehendimus, qui
cum universale Jubilæum, quod tunc temporis
contigerat, solemniter celebraret, inter cætera
pietatis, ac religionis suæ monumenta, illud
etiam præstandum censuit, ut Comitibus Ordi-
nis vestri Generalibus, quæ tum Romæ coge-
bantur, ipse præesset (1). Quamquam verò quod-
libet ex iis, quæ innuimus, exemplum, ut Co-
mitibus hisce vestris præessemus, satis esse potuis-
set, tamen dissimulandum non est, illud præ-
dicti Nicolai V. Nos vehementer excitasse & qua-
si impulsisse; cum & universale Jubilæum à No-
bis quoque celebretur, & eo cogitationes à No-

A 2

bis

(1) Vvading. in *Annalib. Minor.* ad ann. 1450. num. 10.

bis intendantur, ut illud ritè, & qua par est solemnitate peragatur.

Quapropter, dum Generali Conventui vestro præsidemus, singulari afficimur gaudio: quod etiam magis augetur ob pietatem in Ordinem S. Francisci, quam velut hæreditariam à Majoribus nostris accepimus, & quam perspicuè declaravimus in omni vitæ conditione, in qua, Deo disponente, versati sumus, nihil unquam prætermittentes, quod spirituali utilitati vestræ, quam vobis unice cordi esse non ignoramus, conferre posse videretur.

Si privatis Familiarum monumentis, & peculiaribus Urbium Annalibus fides præstanda est, compertum habemus (1) à Guido Lambertino concessum ac liberaliter traditum fuisse locum ad extruendam Ecclesiam, & Cœnobium Patriarchæ vestro S. Francisco, cum Bononiæ in honorem Annunciationis SS. Virginis Templum excitare peroptaret, quod etiam hoc tempore à Vobis in ea Civitate retinetur: quæ quidem Guidi liberalitas, ac pia voluntas, intercedente eodem S. Francisco, plurima illius Liberis, ac Nepotibus à Deo beneficia comparavit.

(1) Anton. de Anellis in *Genealogia Familiae Lambertinae Nobilibus Bononiensis MS. ann. 1535.*

vit. In historiis pariter vestri Ordinis (1), ac Civitatis nostræ Bononiensis (2) plurimum commendatur Beata Johanna Lambertina, quæ Familiae Vestræ nomen dedit. Ipsa namque Sanctæ Catharinæ Bononiensis prius Comes, eidem postea in administrando Monasterio successit, ac tandem hujus mortalis vitæ cursum in Sanctitatis odore consummavit. Illiusque ossa condita sunt ad pedes ejusdem S. Catharinæ, cujus Corpus post plura sæcula integrum adhuc ac sedens, publico Christifidelium cultui pater.

Nemo vestrum ignorat, inter spiritualia Regularium Ordinum ornamenta illud maxime efferri, quod ipsorum Alumni inter Beatos ac Sanctos post obitum extollantur; ex quorum cæteri ad imitanda hujusmodi exempla inflammantur, tum continua quoque in Ecclesia Catholica Sanctitas comprobatur. Illud autem falsò à nonnullis adfirmari Nos minimè latet, videlicet Ordines Cisterciensium, & Carthusianorum sollicitos semper fuisse, ut Viri Religiosi

A 3

om-

(1) Artur. in *Martyrolog. Franciscan. ad diem 12. April. Vvading. ad ann. 1431. num. 211. & ad ann. 1455. num. 110. & 111.*

(2) Gabriel Card. Palzottus *Archiepiscopal. Bononiensis in Catalogo Sanctorum, & Beatorum. Pompeus Vizani Hist. Bonon. lib.*

7. ad ann. 1456. Gaspar Bombacci in Bononiensibus Sanctitate illustribus pag. 111. & 112. edit. Bononien. ann. 1640. Antonius Pauli Masini Bononien. Perlufrat. pag. 118. & pag. 279. edit. Bonon. ann. 1666. Co. Valerius Zani in Catalogo Beatorum Bonon. ad ann. 1476.

omni sanctitate præstarent, dum viverent, nullam verò impendisse curam, ut ipsi post mortem debitum Beatis ac Sanctis cultum consequerentur. Sed in libris, quos typis emisimus, cum adhuc inter Cardinales versaremur, de *Beatificatione, & Canonizatione Sanctorum* (1), eam sententiam à veritate prorsus alienam satis ostendimus; & in lucem protulimus, ac enumeravimus Beatos, ac Sanctos eorundem Ordinum, quibus Sedis Apostolicæ Decreto publicus cultus impenditur.

Clemens XI. fel. rec. Nos in juvenili adhuc ætate constitutos inter Advocatos Consistoriales primò cooptavit, & patrocinium Causæ Canonizationis memoratæ S. Catharinæ Civis nostræ, Ordinisque vestri Filiæ, Nobis demandavit: quod sanè ita suscepimus, ut, solutis difficultatibus, Deo in primis adjuvante, illam inter Sanctas adscriptam Nobis venerari feliciter contigerit. Post hæc, idem Pontifex Fidei Promotoris munus gerendum Nobis impertivit, quod per plures annos exercentes, inter Sanctos non sine magno labore, conatuque nostro adnumerari lætati sumus tres ex Familia vestra, Jacobum Picenum; Franciscum Solanum,

(1) *Lib. 1. cap. 13. num. 17. & 18.*

nūm, & Margaritam Cortonensem; quinque verò inter Beatos referri, videlicet, Johannem de Prato, Salvatorem ab Horta, Liberatum à Lauro, Andream de Comitibus, & Hyacintham Marefcotti. Postremò licèt immerentes, ad Summum Pontificatum evecti Nos ipsi Petrum Regalarum solemniter ritu Sanctum declaravimus; & Benedictum à S. Philadelphio, Pacificum à Ceredano, Coleram, & Johannam Valesiam in Beatorum numerum cooptavimus.

Vvaddingus Annalium vestrorum scriptor (1) non immeritò suum vestrumque Ordinem magnoperè commendat ex eo, quod Fratribus Minoribus à decimo quarto sæculo Divini Salvatoris nostri Sepulchrum custodiendum traditum fuerit: *Non est profectò exigua gloria nostri Sodalitii, ut illud solum præ omnibus, inter omnes Ecclesiæ Ordines tribus integris sæculis in sua habeat potestate Fidei nostræ præcipua monumenta, & Minoritæ dumtaxat Custodes adhibiti sint locorum, in quibus nostræ salutis Mystera operatus est Christus, & sanctum Domini Evangelium de Patibulo coruscaverat.*

Dilectus Filius RAPHAEL A LUGAGNANO, qui totius Ordinis vestri Generalis Minister nullius in-

(1) *Ad ann. 1342. num. 59.*

incongruæ voluntati deservivit, sed vita & moribus decoratus, tanto Ordine dignus inventus est (1), multum laboris impendit, quemadmodum vobis satis exploratum est, ut ea constitueret, quæ pro locis Sanctis piè religioseque asservandis consentanea magis esse viderentur. Ipse quidem, favente Deo, incolumis hic versatur, vobisque omnibus testari potest voluntatis Nostræ studium, ut gravissimum hoc negotium ad finem suum feliciter perduceretur; vobisque ipsis perfectas esse non dubitamus Apostolicas litteras, quas edidimus (2), ut ea confirmarem, quæ idem Generalis Minister vester prudenter utiliterque decernenda esse censuit ad sanctam eorumdem sacrorum locorum custodiam.

Jam ad finem properat annus decimus Pontificatus Nostri, in quo benevolentiam nostram in Regulares Ordines semper ita probavimus, ut nulli unquam jus eligendi suos Præsides, interposita sola auctoritate nostra, suspensum fuerit, sed illud intactum semper omnibus reliquerimus. Quare, si hunc animum in reliquos Ordines habuimus, conijcere facile potestis, Nos idem præstituros esse erga vos
quam

(1) Sanctus Gregorius Magnus lib. 3. epist. 22. ad Antoninum Subdiaconum, tom. 2. edit. Pari-

sen. ann. 1705. pag. 639.

(2) Die 7. Januarii, & die 7. Februarii ann. 1746.

quam libentissimè. In hunc locum Comitibus vestris adfuturi venimus, ut libertas vestra magis asseratur, vestrisque precibus ad Deum nostræ pariter jungantur, ut ipse lumen suum vestris mentibus impertiat, ad idoneum Virum totius Ordinis Præsidem eligendum. Itaque verbis utemur S. Gregorii Magni Prædecessoris nostri (1) ad Clerum Mediolanensem, qui ad eligendum novum Archiepiscopum convenerat: *Quia antiquæ meæ deliberationis intentio est, ad suscipienda Pastoralis curæ onera, pro nullius unquam misceri persona, Orationibus prosequor electionem vestram.* Deinde S. Pontifex propositum suis precibus finem declarat, & simul virtutes recenset, quibus novum Præsulem decet exornari. Nos etiam sententiæ ipsius vota nostra accommodantes, eadem prorsus verba hic repetemus: *Ut Omnipotens Deus, qui futurorum actuum nostrorum semper est præsciens, talem vobis Pastorem præbeat, in cujus lingua, & moribus exhortationis Divinæ pascua valeatis invenire, in cujus mente, & humilitas cum rectitudine fulgeat, & severitas cum pietate, qui vobis viam vitæ non solum loquendo, sed etiam vivendo possit ostendere, quatenus exemplo illius discat vestra*
di-

(1) Lib. 3. indict. 11. epist. 29. citato tom. 2. pag. 644.

* (X) *

dilectio ad aeternae Patriae desiderium suspirare.

Postremò S. Gregorii ad Electores sermonem convertentis exemplo Nos pariter inhærentes, obtestamur vos in visceribus Jesu Christi, ut privata studia, omnemque terrenam cogitationem deponentes, hodierna die, qua gravissimum à vobis negotium pertractatur, ad communem vestri Ordinis utilitatem, quæ cum Dei gloria conjuncta est ad conservandam, & magis magisque amplificandam Catholicam Fidem; oculos, animumque convertatis. *Itaque* (inquit S. Gregorius) *Vos, Filii Carissimi, officii nostri censura commoniti, suademus, ut in hac suscipiendi Antistitis Causa nullus vestrum neglecta utilitate communi, suo lucro prospiciat, nè si quisquam propria commoda appetit, frivola estimatione fallatur, quia nec libero judicio præferendam sibi personam examinat mens, quam cupiditas ligat.* Hæc autem Paterna monita etsi vobis, dilecti Filii, viam perfectionis jam ingressis supervacanea videri possunt; tamen consentanea valde sunt tum Apostolico ministerio nostro, tum muneri, quod gerimus, præsidendi Comitibus vestris, tum denique Pontificiæ quoque, numerisque omnibus obstrictæ benevolentiæ, qua universum S. Francisci Ordinem complectimur. Semper

* (XI) *

per quippe oculis nostris obversatur admirabile visum Innocentii III. Prædecessoris nostri, qui incertus, ac suspensus, utrum Seraphici Patris vestri novum Institutum auctoritate Apostolica confirmare deberet, omnem prorsus dubitationem deposuit, postquam in somnis palmam inter pedes suos paulatim succrescentem, & in arborem pulcherrimam sese elevantem conspexit, & ipsum S. Franciscum hominem licet pauperulum, modicum, & despectum Lateranensem Basilicam jam ruinæ proximam, proprio dorso summisso, nè caderet, sustentantem (1).

Hæc sunt, dilecti Filii, quæ vobis significanda censuimus. Quare Orationem nostram longius protrahendam non judicamus; sed vos ad sanctam electionem auspicandam exhortamur.

IHS. Reimprimatur,
Dr. Albornòz,
Vic. Gen.

(1) S. Bonaventura in *legenda S. Francisci cap. 3.*